

**2019/2020 ўқув йилида олий таълим муассасаларининг
кундузги, кечки ва сиртқи таълим шакллари бўйича ўтказилган
тест синовлари якунлари ҳақида
МАЪЛУМОТ**

2019 йил 29 июль-15 август кунлари кундузги, сиртқи ва кечки таълим шакллари бўйича бакалавриатга кириш тест синовлари республиканинг **60 та** олий таълим муассасалари ва уларнинг **30 та** филиалларига ҳужжат топширган абитуриентлар учун катта сифимли биноларда ўтказилди.

Кундузги, кечки ҳамда сиртқи таълим шакли учун олий таълим муассасаларига аббитуриентлар томонидан жами **1 млн. 66 минг 925 та** ариза (танлов **10,28** ни ташкил этди) (2018 йилда – 814 минг 952 нафар) қабул қилинди, шундан:

кундузги, кечки таълим шаклларига **731 918 та**;

сиртқи таълим шаклига **335 007 та** ариза тушди.

Тест синовларида **979 470** нафар абитетуриентнинг иштирок этиши режалаштирилган эди.

Тест синовларини топширган **954 075** нафар абитетуриентнинг тест синови натижалари ҳисобланди, жумладан,

кундузги, кечки таълим шаклларида 660 773 нафар;

сиртқи таълим шаклида 293 302 нафар.

Тест синовларида **24 930** нафар абитетуриент қатнашмаган бўлиб, шундан,

16 913 нафари кундузги, кечки таълим шакли;

8 017 нафари сиртқи таълим шаклидан.

Қоида бузганлиги сабабли **465** нафар абитетуриент тест синовларидан четлаштирилган.

Тест синовлари материаллари Давлат фельдъегерлик хизмати, «Ўзбекистон ҳаво йўллари» миллий авиакомпанияси, Ички ишлар вазирлиги ва бошқа ваколатли органлар томонидан, уларнинг махфийлиги ва дахлсизлиги таъминланиб, **ҳар куни белгиланган муддатларда** республиканинг барча ҳудудларига етказиб берилди.

Тест синовларига таълим муассасаларидан тест синовлари ўтказиш тартиб-қоидалари ва технологияси бўйича маҳсус тайёргарликдан ўтган **5238** нафар гуруҳ назоратчилари жалб қилинди.

Тест синовлари ўтказилган **66 та** бинода ёнғин ва хавфсизлик чоралари кўрилди. Барча биноларда тиббиёт ходимларининг навбатчилиги ҳамда тест синовлари ўтадиган ҳудудларда тез ёрдам машиналари ташкил этилди.

Ўтказилган тест синовлари натижалари куннинг эртасига Давлат тест марказининг **dtm.uz** сайтида **эълон** қилинди.

Кундузги, сиртқи ва кечки таълим шакллари бўйича 2019/2020 ўқув йилига кириш тест синовларининг танловгача бўлган натижалари қуидагича:

энг юқори баллар (**189.0 балл**) **11 та** олий таълим муассасасининг **14 та** таълим йўналишида кузатилди, жумладан:

Тошкент давлат ўзбек тили ва адабиёти университетининг **Ўзбек-инглиз таржима назарияси ва амалиёти** таълим йўналишида;

Ўзбекистон давлат жаҳон тиллари университетининг **Хорижий тил ва адабиёти: инглиз тили, Филология ва тилларни ўқитиш: инглиз тили ва немис тили** таълим йўналишида;

Тошкент молия институтининг **Иқтисодиёт (тармоқлар ва соҳалар бўйича) ва Молия** таълим йўналишларида;

Қарши давлат университетининг **Филология ва тилларни ўқитиш: ўзбек тили** таълим йўналишида;

Қорақалпоқ давлат университетининг **Юриспруденция (фаолият турлари бўйича)** таълим йўналишида;

Жаҳон иқтисодиёти ва дипломатия университетининг **Халқаро иқтисодиёт ва менежмент (минтақалар ва фаолият йўналишлари бўйича)** таълим йўналишида;

Бухоро тиббиёт институтининг **Даволаш иши (Бухоро)** таълим йўналишида;

Самарқанд тиббиёт институтининг **Даволаш иши (Қашқадарё)** таълим йўналишида;

Тошкент тиббиёт академиясининг **Даволаш иши (Сирдарё)** таълим йўналишида;

Қарши муҳандислик-иктисодиёт институтининг **Иқтисодиёт (тармоқлар ва соҳалар бўйича)** таълим йўналишида;

Тошкент давлат юридик университетининг **Юриспруденция (фаолият турлари бўйича)** таълим йўналишида кузатилди.

Энг юқори балл кириш имтиҳонлари **4 та** фандан иборат бўлган Тошкент давлат ўзбек тили ва адабиёти университетининг **Ўзбек тили ва адабиёти** таълим йўналишида **232.1 баллни** ва **Филология ва тилларни ўқитиш: ўзбек тили** таълим йўналишида **238.6 баллни** ташкил этган.

Танлов якунлари бўйича натижалар бир ҳафта муддат ичидаги тақдим этилади.

Тест синовларида қўлланилган бу йилги тизим ҳар томонлама билимли ва иқтидорли ёшларни олий таълим муассасаларида таълим олишлари учун имкониятларини кенгайтириш мақсадида такомиллаштирилган ҳолда кейинги йилларда ҳам жорий этилади.